



**Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 60. redovnoj sjednici, održanoj 11. marta 2020. godine, usvaja**

## ZAKON O IZMJENAMA I DOPUNI ZAKONA O PREDUZEĆIMA BRČKO DISTRIKTA BOSNE I HERCEGOVINE

### Član 1

U Zakonu o preduzećima Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 49/11) u članu 4 stav 1 mijenja se i glasi: „(1) Preduzeće stiče svojstvo pravnog lica upisom u registar koji vodi registarski sud (u daljnjem tekstu: Registar) propisan zakonom kojim se uređuje organizacija i nadležnost sudova u Brčko distriktu Bosne i Hercegovine“.

### Član 2

U članu 9 stav 5 mijenja se i glasi:

„(5) Podružnica domaćeg preduzeća i preduzetnika upisuju se, u skladu s odredbama zakona koji uređuje oblast registracije poslovnih subjekata u Brčko distriktu Bosne i Hercegovine, u Registar u kojem je preduzeće, odnosno preduzetnik upisan.“

U članu 9 iza stava 5 dodaje se novi stav 6 koji glasi:

„(6) Podružnica preduzeća koje je registrovano van teritorije Bosne i Hercegovine se upisuje u Registar na čijem području je sjedište podružnice.“

### Član 3

Član 10 se briše.

### Član 4

Član 11 se briše.

### Član 5

Član 12 se briše.

### Član 6

U članu 18 stavu 1 riječi: „Zakonom o Registru preduzeća i preduzetnika Brčko distrikta Bosne i Hercegovine“ se zamjenjuju riječima: „Zakonom o registraciji poslovnih subjekata u Brčko distriktu Bosne i Hercegovine“.

### Član 7

U članu 343 stav 1 mijenja se i glasi:

„(1) Osnovni kapital društva s jednim osnivačem iznosi najmanje 1 KM, odnosno najmanje 1.000 KM u slučaju kada društvo osniva više osnivača, ako drugim zakonom nije propisano drugačije.”

### **Član 8**

U članu 373 stav 1 mijenja se i glasi:

„(1) Pravo glasa članova društva srazmjerno je udjelima članova u ukupno uplaćenom osnovnom kapitalu društva u vrijeme ostvarivanja tih prava, ako osnivačkim aktom nije drugačije određeno.”

### **Član 9**

Ovaj zakon stupa na snagu osmog (8.) dana od dana objavljivanja u Službenom glasniku Brčko distrikta Bosne i Hercegovine, **a početak će se primjenjivati od 1. 1. 2021. godine.**

Broj: 01-02-815/20

Brčko, 11. 3. 2020. godine

**PREDSJEDNIK  
SKUPŠTINE BRČKO DISTRIKTA BiH  
Esed Kadrić**